

تزاييد هميلها

أمان بن سعيد بن حسين آل حسين المناعي والمعروف باسم امان الشاعر من مواليد الوكرة ولد تقريبا عام ١٩١٤م، بدأ حياته في الغوص ثم انتقل إلى العمل في شركة البترول، يحب المقناص والطير، يكتب الشعر بكل أغراضه، واشتهر بالقصائد الغزلية. توفي رحمه الله في الوكرة بتاريخ ٢٠٠٨/٥/٣٠م.. وهذه إحدى قصائده..



عفا الله عن عين تزاييد هميلها
 تناهت بها العبرات مما يجيلها
 إلي نامو السالين طاول بها السهر
 جرى دمعها والنوم ما يهتني لها
 لا قلت أنيا عين بسك من البكا
 تزاييد عناها ما تطاوع عذيلها
 تقول إنت رُوح في طريقك وخليها
 عيون تصيح الولف لا تستعي لها
 أراها سهيره طول الايام ما غضت
 ما تهتني بالنوم حتى قليلها
 تبكي على بدو ثقافت إضعونهم
 عنها وهي تشكي لمن يشتكى لها
 ولا قلبي المذهب يصغي لعاذله
 لو كلمة من عاقل يرتوي لها
 لي قلت له مزن على دار غيرك
 ألا يا شفاتي بانصحك لا تخيلها
 قال إنت ما يعناك ياللي تلومني
 اهمومي ولويا مركب ما يشيلها
 هموم تردد في ضميري وزادني
 وكثر الحسايف من مفارق عميلها
 كم ليلة ما غضت العين بالكري
 تبكي على الخلان يا عزتي لها

أنا اللي في بحر الغي طبعت مركبي
وكم فوات مثلي للمودة قتيلاها
برت حالة اللي صابته وابتلابها
هنوف على الامتان تنسل جديلاها
يعيش المريض إحكاك يالبت الحشا
ويا من هوى نفسي وروحي عديلاها
يا منتها غايت مرادي ومنوتي
حملتني يا نور عيني ثقيلاها
لك الله ما يرتاح بالي بمثلكم
يا روح جنات الضؤاد وظليلها
سقى الله من وبل الوسامي دياركم
من مزنة غراغشى الجوسيلها
تظهر من المنشا نسيم يقودها
فيها الرعد والبرق ضايف شليلها
تأخذ ثلاث أيام بأمر من الولي
جزل العطايا رحمته نستسي لها
يملا رياض حيكم ينزلوانها
تزخرق مرافيع الحزوم ومسيلها
وتبقى هيال يبعد الحزن شوفها
منازل مزايين ملكنا جميلاها
خود عذاب أهل المودة عيونهن
يغذن على ريح الشمطري جثيلاها
رعابيب سادات الجمال ودلايله
دمث النحور وكن بالعين نيلها
تهنا بهواهن في زمان مضى لنا
وانحت لنا سلمى واحن ننتحيلها
واليوم وقف دونهن في طريقنا
ضد الشباب وسابقي جذحيلها
وختام تكميل المثايل بمثلها
عفى الله عن عين تزايد هميلاها